



## **Parlamentarni vojni povjerenik BiH i članovi Delegacije PSBiH u PSOSCE-a učestvovali na konferenciji o OSCE-ovom Kodeksu ponašanja u Berlinu**

Parlamentarni vojni povjerenik BiH Boško Šiljegović s članovima Delegacije Parlamentarne skupštine BiH u Parlamentarnoj skupštini Organizacije za evropsku sigurnost i saradnju (PSOSCE) Barišom Čolakom i Halidom Genjcem učestvovao je na konferenciji posvećenoj primjeni OSCE-ovog Kodeksa ponašanja u vojno-političkim aspektima sigurnosti, koja je, u organizaciji PSOSCE-a i Ženevskog centra za demokratsku kontrolu oružanih snaga (DCAF), održana 2. i 3. juna 2016. u Berlinu.

Na konferenciji, održanoj u okviru njemačkog predsjedavanja OSCE-om, razmotrena je trenutna i buduća uloga Kodeksa u parlamentarnoj kontroli oružanih i sigurnosnih snaga.

U okviru prve od ukupno tri sesije učesnicima konferencije obratio se parlamentarni vojni povjerenik BiH Boško Šiljegović, koji je govorio o primjeni OSCE-ovog Kodeksa kroz provođenje Zakona o parlamentarnom vojnom povjereniku BiH, kao i o demokratskoj kontroli Oružanih snaga BiH, koju provode Zajednička komisija za odbranu i sigurnost PSBiH i Ured parlamentarnog vojnog povjerenika BiH.